

1945Թ. «ԲՐԻՏԱՆԱԿԱՆ ՀԵՂԱՓՈԽՈՒԹՅՈՒՆԸ» ԵՎ
ԵՐՐՈՐԴ ԼԵՅՔՈՐԻՍՏԱԿԱՆ ԿԱՌԱՎԱՐՈՒԹՅԱՆ
ՔԱՂԱՔԱԿԱՆՈՒԹՅՈՒՆԸ

Երկրորդ համաշխարհային պատերազմը մեծ վնաս հասցրեց Անգլիայի տնտեսությանը: Արտադրության անկումը կազմեց 10%: Պետական պարտքը, որը 1939թ.կազմում էր 7,2 մլրդ. ֆունտ ստերլինգ, 1949թ. հասավ մինչև 23,7 մլրդ. ֆունտ ստերլինգ, որից 3.5մլրդ ֆունտ ստերլինգը կազմում էր արտաքին պարտքը: Իր արտասահմանյան ներդրումներից միայն 1 մլրդ ֆ. ս. Անգլիան ստիպված եղավ փոխանցել ԱՄՆ-ին ռազմական մատակարարումների դիմաց: Մեծ կորուստներ ունեցավ անգլիական առևտրական նավատորմը: Վատացան հարաբերությունները գաղութների հետ: Բրիտանական դոմինիոնները, որոնք Անգլիայի հետ միասին պատերազմում էին Գերմանիայի դեմ, ձգտում էին ստանալ տնտեսական և քաղաքական լրիվ անկախություն: Գաղութներում գնալով ընդլայնվում էր ազգային ազատագրական շարժումը: Ընդհանուր առմամբ պատերազմի ընթացքում Անգլիան կորցրեց իր ազգային հարստության շուրջ 25 %: Սակայն բոլոր արևմտաեվրոպական երկրներից Անգլիան, այնուամենայնիվ, ամենակին վատ դրության մեջ չէր գտնվում: Մարդկային կորուստները համարյա չորս անգամ ավելի քիչ էին, քան Ի համաշխարհային պատերազմի տարիներին՝ 245 000 զոհված, 278000 վիրավոր և 53000 անհայտ կորածներ: Իսկ ավերածությունները գերմանական ռմբակոծություններից իրենց մասշտաբներով անհամեմատելի քիչ էին, քան մայրցամաքում: Անգլիայի հաղթանակի մեջ շատ կարևոր և մեծ դեր խաղաց կռաւիցիոն կառավարությունը պահպանողական Ու. Չերչիլի ղեկավարությամբ: Այդ պատճառով շատ անսպասելի էին 1945թ. հուլիսի 5-ին տեղի ունեցած պառլամենտական ընտրությունները, որոնց արդյունքում հաղթանակ տարան լեյբորիստները: Չերչիլի ձգտումը՝ անցկացնել պառլամենտական ընտրություններ մինչև համաշխարհային պատերազմի ավարտը, բացատրվում էր մի քանի պատճառներով: Իշխանությունը գտնվում էր պառլամենտի ձեռքերում, որը ընտրվել էր դեռ 1935թ., և նրա լիազորությունները երկարացվում էին պատերազմի պատճառով: Սակայն հիմա, երբ Եվրոպայում պատերազմը ավարտվել էր, ընտրությունները հետաձգելու համար արդեն պատճառ չկար: Ինքը՝ կառավարությունը, կռաւիցիոն էր, «ազգային»: Չերչիլը, վայելելով ժողովրդա-

կանություն և իր ձեռքերում կենտրոնացնելով իշխանությունը, այնուամենայնիվ նրա ղեկավարության տակ պահպանողականները երբեք ընտրությունների չէին մասնակցել և չէին հաղթել, իսկ պահպանողական կուսակցության առաջնորդը նա դարձավ արդեն այն բանից հետո, երբ գլխավորեց կառավարությունը: Բացի այդ, Չերչիլը ձգտում էր ընտրություններ անցկացնել «հաղթանակի ալիքի» վրա՝ օգտագործելով բարենպաստ հոգեբանական կլիման:

1945թ. մայիսի 23-ին Չերչիլը հայտարարեց իր պաշտոնաթողության մասին և խնդրեց թագավորին ցրել համայնքների պալատը: Պահպանողականների նախընտրական կամպանիայի մեջ կենտրոնական տեղը զբաղացնում էր Չերչիլի փառաբանումը: Միևնույն ժամանակ Չերչիլի ելույթներում մեծ տեղ էին զբաղացնում հակալեյբորիստական և հակասովետական հարձակումները: Օրինակ՝ ելույթներից մեկում նա ուղակի հայտարարեց, որ «ոչ մի սոցիալիստական համակարգ չի կարող ստեղծվել առանց քաղաքական ուստիկանության»: Եթե լեյբորիստները հաղթեն, Անգլիայում կլինի գեստապո: Իսկ լեյբորիստների ծրագիրը տարբերվում էր իր քաղաքական արմատականությամբ: Նրանք իրենց ներկայացնում էին որպես «սոցիալիստական կուսակցություն», որի վերջնական նպատակն է «Մեծ Բրիտանիայի սոցիալիստական ընկերակցությունը»: Լեյբորիստները կողմնակից էին «խառը տնտեսությանը», կարևորագույն արդյունաբերական արտադրությունների ազգայնացմանը, ինչպես նաև ակտիվ սոցիալական քաղաքականության անցկացմանը:

Ընտրությունների արդյունքը շշմեցուցիչ էր. լեյբորիստները ոչ միայն հաղթեցին, այլ նաև առաջին անգամ համայնքների պալատում ստացան բացարձակ մեծամասնություն՝ 393 տեղ, պահպանողականների 213 տեղերի դիմաց:

Լեյբորիստների առաջնորդ Կլեմենտ Էթլին գլխավորեց երրորդ լեյբորիստական կառավարությունը: Էթլին հաջողվեց կառավարությունում ընդգրկել փորձառու և պրոֆեսիոնալ քաղաքական գործիչներին: Վարչապետը իր դերը տեսնում էր ոչ թե ղեկավարության մեջ, այլ ավելի շատ կառավարության գործունեության կոորդինացման մեջ: Իզուր չէ, որ նոր վարչապետը սիրում էր ասել «Եթե ձեր մոտ կա լավ շուն, ինքներդ մի հաչեք»: Կառավարությունը սկսում է կյանքի կոչել նախընտրական ծրագիրը: Այսպես, 1946թ. փետրվարին ազգայնացվեց Անգլիական բանկը: 1946թ.-ից մինչև 1948թ. ազգայնացվեցին երկաթուղային ճանապարհները, քաղաքացիական ավիացիան, տրանսպորտը, կաբելային և հեռագրային կապը, ինչպես նաև էլեկտրատեխնիկական և ածխահանության արդյունաբերությունները: Արդյունքում պետական սեկտորում կենտրոնացվեց արդյունաբերության 20%: Պրա հետ մեկտեղ կառավարություն-

նը բազմիցս կրկնում էր, որ մտադրություններ չունի «տոտալ ազգայնացման» քաղաքականություն անցկացնել: Սեփականության ձևը որոշելու չափանիշը պետք է լինի առաջին հերթին տնտեսական արդյունավետության սկզբունքը: Մեծ ակտիվություն լեյբորիստական կառավարությունը ցուցաբերեց սոցիալական քաղաքականության բնագավառում: Վերականգնվեց արհմիությունների գործադուլ անցկացնելու իրավունքը: Ընդունվեցին օրենքներ, որոնք երաշխավորում էին ամբողջ բնակչությանը թոշակների (տղամարդիկ 65 տարեկանից, կանայք՝ 60 տարեկանից) և գործազրկության նպաստների ստացումը: Նյութական օգնություն պետք է տրվեր նաև մահվան, հիվանդության կամ հղիության դեպքում: Բարեփոխման արդյունքում պետության ծախսերը սոցիալական ապահովագրության բնագավառում ավելացան 2,5 անգամ: Մտցվեց նաև անվճար բժշկական օգնություն բնակչությանը: Կարճ ժամանակվա ընթացքում կառուցվեցին ավելի քան 1 մլն. մունիցիպալ շենքեր, որտեղ պետությունը հսկողության տակ էր վերցրել վարձը, որը չպիտի անցներ պատերազմական տարիներին հաստատված չափը:

Լեյբորիստական կառավարության գործունեությունը թույլ տվեց արդեն 1948թ. հասնել տնտեսական զարգացման նախապատերազմական մակարդակին և կայունացնել սոցիալական վիճակը: Արդյունաբերական արտադրության աճը կազմում էր տարեկան 6%: Սակայն կտրուկ անցումը լայն պետական կարգավորմանը բարդացրեց մասնավոր ձեռնարկատիրական գործունեությունը և բերեց մասնավոր ներդրումների կրճատմանը: Գնալով կառավարությունը դժվարությունների է հանդիպում իր ծրագրերի ֆինանսավորման հարցերում: Առևտրական բալանսի պասիվությունը և կախվածությունը ներմուծումից, ռազմական պարտքերի դիմաց վճարումները արագ կերպով բերում էին երկրի արժույթային պաշարների կրճատմանը: Տեղի էր ունենում ֆունտ ստերլինգի արժեզրկում, ինչը իր հերթին բացասական էր ազդում ինվեստիցիոն շուկայի վրա: Այս պայմաններում կառավարությունը ստիպված եղավ փոխառություն վերցնել ԱՄՆ-ից՝ միևնույն ժամանակ իր վրա վերցնելով ֆունտ ստերլինգի՝ դոլարի վրա ազատ փոխանակում մտցնելու պարտավորությունը: Դա տեղի ունեցավ 1945թ. սակայն արդեն 1946թ. ԱՄՆ-ում գները բացթողնվեցին, ինչը բերեց արտահանվող ապրանքների կտրուկ թանգացմանը: Այդ պատճառով Անգլիան, որը ներմուծվող ապրանքների մեծ մասը ստանում էր ԱՄՆ-ից, մեկ տարվա ընթացքում ծախսեց ԱՄՆ-ից վերցրած փոխառությունը: Երկրում սկսվեց սուր ֆինանսական ճգնաժամ: Լեյբորիստական կառավարությունը ստիպված եղավ 1949թ. սեպտեմբերին անցկացնել ֆունտ ստերլինգի դեվալվացիա 30,5%: Ֆունտի արժեքը իջավ 4,03-ից մինչև 2,8 դոլարի: 1950թ.

կառավարությունը նույնիսկ ստիպված եղավ հրաժարվել Մարշալի ծրագրին հետագա մասնակցությունից (այդ ծրագրի շրջանակներում Մեծ Բրիտանիան ստացավ 2,3 մլրդ դոլար), որովհետև ամերիկյան օգնությունը ստանալու համար պարտադիր պայմանն էր՝ արժույթ-ֆինանսական գործունեության բացարձակ ազատությունը ներքին շուկայում, իսկ դա սպառնում էր անգլիական տնտեսության կայունությանը։ Իհարկե, ֆունտ ստերլինգի անկումը չի կարելի համարել որպես միայն կառավարության սխալների հետևանք, սակայն ֆինանսական ճգնաժամը կտրուկ բարդացրեց երկրի տնտեսության դրությունը։ Լեյբորիստական կառավարության հեղինակությունն ընկնում էր։

Եթե և նրա կառավարությունը, ինչպես նաև պահպանողականները, կողմնակից էին «ատլանտյան համագործակցության» քաղաքականությանը։ Եվրոպայի վրա սկսում է իջնել «երկաթյա վարագույրը»։ Այդ քաղաքականության սկիզբը դնում է Ու. Չերչիլը իր հայտնի ճառով, որը նա արտասանում է 1946թ. մարտի 5-ին ամերիկյան Ֆուլթոն քաղաքի Վեսթմինստերյան կոլեջում 30000 մարդկանց ներկայությամբ։ Այդ ելույթի առիթը դարձավ Իրանում ստեղծված քաղաքական ճգնաժամը։ Համաձայն 1942թ. կնքված պայմանագրի, խորհրդային զորքերը իրավունք ունեին Իրանի տարածքում պատերազմից հետո մնալ ևս վեց ամիս։ Ժամկետը լրանում էր 1946թ. մարտի 2-ին։ Սակայն ԽՍՀՄ-ը հայտարարեց, որ դուրս կբերի իր զորքերը Իրանից, բացի իրանական Ադրբեջանի տարածքից։ Արևմտյան երկրները գնահատեցին ԽՍՀՄ-ի այդ քայլը որպես ադրբեջանական անջատողական ուժերին ռազմական օգնության և Իրանի տարածքի մի մասում ԽՍՀՄ-ին կողմ վարչակարգ ստեղծելու փորձ։ Ըստ Չերչիլի, նոր աշխարհի կարգավիճակի հիմքը պետք է դառնա «ամերիկյան դեմոկրատիան»։ Ամերիկյան դեմոկրատիայի տակ Չերչիլը նկատի ուներ Արևմուտքի ընդհանուր մշակութային և բարոյական արժեքները։ Նրա կարծիքով ամբողջ քրիստոնեական քաղաքակրթությունը վտանգի մեջ էր և ամբողջ աշխարհին սպառնում էր բռնակալության հաստատման վտանգը։ Եվ այդ սպառնալիքը գալիս էր ԽՍՀՄ-ից, խորհրդային կոմունիզմից։ Չերչիլը կոչ էր անում բոլոր դեմոկրատական երկրներին, որպեսզի նրանք միասնական ուժերով պաշտպանեն իրենց ազատությունը։ Փաստորեն, խոսքը գնում էր ԱՄՆ-ի և Մեծ Բրիտանիայի միջև ռազմա-ստրատեգիական դաշինքի ստեղծման մասին, որը «երկաթյա վարագույր» կիջեցներ կոմունիստական սպառնալիքի առջև։ «Երկաթյա վարագույր» տերմինը Չերչիլը առաջին անգամ օգտագործեց պառլամենտում 1945թ. օգոստոսի 16-ին իր ելույթի ժամանակ։ Ֆուլթոնյան ճառից հետո այդ հասկացությունը դառնում է «սառը պատերազմի» խորհրդանիշը։ Չերչիլի ելույթը նաև նոր աշխարհահայացքային փիլիսոփայության

արտահայտումն էր, որը գնալով մեծ տարածում ունեցավ ամբողջ Արևմուտքում: Դրա հիմքում ընկած էր աշխարհի նոր բաժանումը երկու հակադիր համակարգերի, որոնք պատրաստ էին բախվելու իրար հետ: Եվ, որպեսզի խուսափել «տաք» պատերազմից, պետք էր անմիջապես մեկուսացնել հակառակորդին՝ սկսելով «սառը պատերազմ»: Արևմտյան երկրների համար դա նշանակում էր ԱՄՆ-ի ռազմա-քաղաքական գերիշխանության ճանաչում: Անգլիայի համար «հատուկ հարաբերությունները» ԱՄՆ-ի հետ, ինչպես նաև նվիրվածությունը ատլանտյան համերաշխությանը, դառնում են արտաքին հարաբերությունների համար կարևորագույն ուղղությունները: Անգլիային հարկավոր էր գտնել իր նոր տեղը աշխարհում:

Զերիչլի կողմից հռչակված կուրսը համապատասխանում էր էլբորիստների նպատակներին: Ամերիկյան ֆինանսական օգնությունը շատ էր անհրաժեշտ Անգլիային տնտեսական և ֆինանսական ճգնաժամից դուրս գալու համար: Բացի այդ էլբորիստները հանգիստ էին ընդունում այն հանգամանքը, որ Մեծ Բրիտանիան գնալով դառնալու է Վաշինգտոնի «փոքր խաղընկերը»: Ի տարբերություն պահպանողականների, նրանք ընդունում էին «Բրիտանիայի մեծությունը» որպես արդեն պատմության փակ էջ: Արդեն 1946թ. էթլիի կառավարությունը սկզբունքորեն անցնում է ատլանտյան համերաշխության քաղաքականությանը և ԱՄՆ-ի նախագահ Թրումենի հետ միասին դառնում է «սառը պատերազմի» նախաձեռնողը: Զնայած ֆինանսական ճգնաժամին՝ Անգլիան մեծ ուշադրություն էր դարձնում սպառազինության հարցին: Արդեն 1946թ. որոշում ընդունվեց բրիտանական ատոմային ռումբի արտադրության մասին: 50-ական թթ. սկզբին ռազմական ծախսերը կազմեցին ազգային եկամուտի 10-11% (30-ական թթ. կեսերին այն կազմում էր ընդամենը 2,5 %): 1949թ. ԱՄՆ-ի և Անգլիայի նախաձեռնությամբ ստեղծվեց ՆԱՏՕ-ն: Գերմանիան բաժանվեց երկու պետությունների՝ արևմտյան մասում, որտեղ գտնվում էին Անգլիայի, ԱՄՆ-ի և Ֆրանսիայի օկուպացիոն զոտիները 1949թ. սեպտեմբերին ստեղծվեց Գերմանական Ֆեդերատիվ Հանրապետությունը (ԳՀՀ), իսկ արևելյան մասում, որտեղ գտնվում էին խորհրդային զորքերը, 1949թ. հոկտեմբերին՝ Գերմանական Դեմոկրատական Հանրապետությունը (ԳԴՀ): Բեռլինը նույնպես բաժանվեց արևմտյան և արևելյան մասերի: Սկսվում է Բրիտանական գաղութային կայսրության փլուզման գործընթացը: 1946թ. զարմանը էլբորիստական կառավարությունը ստիպված եղավ հնդկաստանին տրամադրել դոմինիոնի կարգավիճակ: 1947թ. օգոստոսի 15-ին հնդկաստանը կրոնական հատկանիշի հիման վրա բաժանվեց երկու պետությունների՝ հնդկաստանի և Պակիստանի, որոնք մտան Ազգերի Բրիտանական համագոր-

ծակցության կազմի մեջ: Հնդկաստանի անկախությունը բրիտանական համագործակցության զարգացման մեջ նոր փուլի սկիզբ է դնում:

«Բրիտանիայի հպատակ» հասկացողության տեղը գալիս է նորը՝ «Համագործակցության քաղաքացի»: 1947թ. սկսած «դոմինիոն» տերմինը փոխարինվում է «Համագործակցության անդամ» տերմինով («դոմինիոն» տերմինը վերացավ 1952թ.): 1948թ. անկախություն ստացան Ցեյլոնը և Բիրման, վերջինը, սակայն, դուրս մնաց Համագործակցությունից: 1949թ. անկախություն է ստանում Իռլանդական Հանրապետությունը: Նույն թվականին անկախություն ձեռք բերեց Անդրհորդանանը: Անգլիան մեծ հետաքրքրություն էր ցուցաբերում Պաղեստինի նկատմամբ, որի վրա նա մանդատ ուներ: Մինչև 2-րդ համաշխարհային պատերազմը Անգլիան իր վրա պատասխանատվություն էր վերցրել հրեա գաղթականներին «պատմական հայրենիքում» վերաբնակեցման համար: Սակայն Պաղեստինի անգլիական վարչության փորձը՝ հսկել հրեա գաղթականների հոսքը, ոչ մի արդյունքի չբերեց: Արաբական բնակչությունը թշնամաբար էր ընդունում հրեաներին: Անգլիական կառավարությունը, ելնելով ստեղծված վիճակից, առաջարկեց բաժանել Պաղեստինը երկու անկախ պետությունների: Սակայն այդ հարցի շուրջը լեյբորիստական կուսակցության մեջ կային լուրջ տարաձայնություններ: Տեսնելով, որ այլևս արաբ-իսրաելական հակամարտության դեմ ուժերը չի բավարարում, անգլիական կառավարությունը 1947թ. փետրվարի 14-ին հայտարարեց, որ հանում է իր միջնորդի դերը և փոխանցում ՄԱԿ-ին: Ստեղծված դրությունից օգտվում են հրեաները: 1948թ. մայիսի 14-ին հրեաների առաջնորդ՝ Դավիդ Բեն-Գուրիոնը հռչակեց Իսրայելական Հանրապետության ստեղծման մասին: Դա Անգլիայի և լեյբորիստական կառավարության արտաքին քաղաքականության նոր անհաջողությունն էր: Լեյբորիստական կառավարությունը մասնակցեց նաև կորեական պատերազմին՝ ՄԱԿ-ի դրոշի ներքո՝ (686 սպանված և 2498 վիրավոր): Այդ պատերազմին մասնակցելը լեյբորիստական կուսակցությանը դրական համբավ չբերեց և զարմանալի չի որ շուտով՝ 1951թ. սեպտեմբերին լեյբորիստական կառավարությունը ստիպված է լինում հրաժարական տալ:

ԳՐԱԿԱՆՈՒԹՅՈՒՆ

1. Матвеев В.А. Британия вчера и сегодня. М., 1989
2. Свонадзе Л.Н. Великобритания: консерваторы и проблемы послевоенного развития 1945-1955. М., 1987
3. Трухановский В.Г. Уинстон Черчилль. М., 1989
4. Трухановский В.Г. Антони Иден. Страницы английской дипломатии 30-50-е годы. М., 1976